

ՊԱՅՄԱՆԱԳՐԻ ԿՆՔՄԱՆ ԵՎ ԲՈՂՈՔՆԵՐԻ ՆԵՐԿԱՅԱՑՄԱՆ ԿԱՐԳ

1. Էլեկտրաէներգիայի մատակարարման պայմանագիր կնքել ցանկացող սպառողները (որոնք հանդիսանում են ՀԷՑ ՓԲԸ սպառողներ, սակայն ցանկանում են դուրս գալ էլեկտրաէներգիայի ազատ շուկա և ներառվել մատակարարի խմբում որպես սպառող) պետք է իրենց մտադրության մասին գրավոր կամ բանավոր հայտենեն «Էներջի Սփիլայ» ՍՊԸ-ին՝ ներկայացնելով իրենց ընկերության տեխնիկական տվյալները՝ սպառողի անվանումը, լարման պատկանելիությունը, սպառման տարեկան մոտավոր քանակությունը, սպառման սեզոնայնությունը, մատակարարման ժամանակահատվածը, հաշվիչի տեսակը, ՀԷՑ ՓԲԸ-ի հետ կնքված պայմանագիրը և կոնտակտային տվյալները: Սպառողը պարտավոր է ներկայացնել նաև ֆոտովոլտային կայան ունենալու փաստի և/կամ տեղադրելու մտադրության մասին:
2. Սպառողը տեղեկացվում է «ՀԷՑ» ՓԲԸ-ի հետ կնքված մատակարարման պայմանագրից հրաժարվելու հետևանքների, այդ թվում նաև՝ արևային ՖՎ կայանի հաշվառման կարգի փոփոխության մասին:
3. Նշված տեղեկատվության ուսումնասիրության արդյունքում «Էներջի Սփիլայ» ՍՊԸ-ի համապատասխան աշխատակիցը կազմում և սպառողին է ներկայացնում գնային առաջարկ:
4. Առաջարկն ընդունելու դեպքում սպառողը իր սպառման տեխնիկական հարաչափերը բերում է շուկայի կանոններով նախատեսված ընդունելի վիճակի (օրինակ՝ իր կամ ենթասպառողների հաշվիչների կարդացվելիության ապահովում):
5. Այնուհետև սպառողի հետ կնքվում է էլեկտրաէներգիայի մատակարարման պայմանագիր և «Էներջի Սփիլայ» ՍՊԸ-ի աշխատակցի օգնությամբ կազմվում են համապատասխան փաստաթղթեր՝ շուկայի օպերատորին ներկայացնելու համար:
6. Համապատասխան փաստաթղթերը ներկայացնելու օրվանից 6 աշխատանքային օրվա ընթացքում սպառողը ներառվում է «Էներջի Սփիլայ» ՍՊԸ-ի մատակարարի խմբում որպես սպառող և մեկնարկում է էլեկտրաէներգիայի մատակարարումը:
7. Էլեկտրաէներգիայի մատակարարման պայմանագրի գործողության ընթացքում վճարումների ուշացման կամ չկատարման դեպքում դադարեցվում

է «Էներջի Սփիլայ» ՍՊԸ-ի կողմից էլեկտրական էներգիայի մատակարարումը:

8. Էլեկտրաէներգիայի մատակարարման պայմանագրի գործողության ընթացքում առաջացած հարցերի/բողոքների կամ տեխնիկական հարաչափերի փոփոխության դեպքում սպառողը դիմում է «Էներջի Սփիլայ» ՍՊԸ-ին՝ գրավոր նամակ ուղարկելով վերջինիս էլ. փոստի հասցեին: Անհապաղ հարցերի դեպքում սպառողը կարող է կապ հաստատել աշխատանքային ժամերին՝ 10:00–18:00 զանգահարելով կայքում նշված հեռախոսահամարին կամ անհատական սպասարկողի հետ՝ վերջինիս կողմից տրամադրված հեռախոսահամարով:
9. Բողոքների մասով «Էներջի Սփիլայ» ՍՊԸ-ի պատասխանը սպառողին ներկայացվում է 5 աշխատանքային օրվա ընթացքում: